

Ministrica za ljudska prava i izbjeglice BiH, predstavnici Vlada Švajcarske i Švedske, Rezidentna predstavnik UNDP-a, te predstavnici Ministarstva uprave i lokalne samouprave RS-a, Brčko distrikta BiH i Saveza opština/općina i gradova FBiH/RS, posjetili su 23.maja 2018. godine općinu Jablanica i opštinu Nevesinje. Delegaciju je predvodio tim UNDP BiH Mjesne zajednice, a predstavnici su se upoznali sa postignutim rezultatima projekta „Jačanje uloge mjesnih zajednica u BiH (MZ)“ i tekućim aktivnostima, koji ima za cilj da poboljša kvalitet života 300.000 ljudi u BiH. U projektu MZ učestvuju 136 mjesnih zajednica i 24 jedinice lokalne samouprave širom BiH.

U Jablanici, MZ Ostrožac u područnoj osnovnoj školi domaćini su bili Načelnik Općine Salem Dedić, predsjednik Savjeta MZ Ostrožac Derviš Gabela i direktor JU Osnovna škola „Suljo Čilić“ Edin Idrizović. U okviru MZ projekta, urađena je rekonstrukcija školskog dvorišta sa ugradnjom video nadzora za bolju sigurnost učenika u ovoj školi.

U nastavku posjete, menadžer Društvenog centra na Gornjoj koloniji, Samir Sarajlić je dočekaio delegaciju, a zatim su u ovim prostorijama prezentirane aktivnosti Planinarskog društva „Prenj-Glogošnica“, te Omladinskog kluba „Pod istim suncem“. Predsjednik Planinarskog društva Naid Keskin prezentirao je aktivnosti „Škola planinarstva“ koje su na području MZ Glogošnica realizirane i u kojem je za 6 mjeseci učešće uzelo 37 novih polaznika. Predsjednik Omladinskog kluba „Pod istim suncem“, Haris Halilhodžić je prenio iskustva o zajedničkoj saradnji ovog kluba sa MZ Doljani, MZ Slatina, MZ Ostrožac i MZ Jablanica 2.

Društveni centar na Gornjoj koloniji smješten je u zgradi socijalnog stanovanja koji je opremljen u okviru projekta Mjesne zajednice, a dodatno je izgrađeno i dječije igralište, dok je Omladinski klub „Pod istim suncem“ u saradnji sa MZ Jablanica 2 uspostavio i Dnevni centar za djecu ove mjesne zajednice.

Delegacija je posjetila i MZ Donja Jablanica, gdje su se susreli sa predstavnicima ove MZ i Udruženja žena „Most“. U ovoj MZ, urađena je rekonstrukcija prostorija MZ Donja Jablanica, te su odžani kursevi šivenja i osnaživanje žena liderica.

Zajednički projekat Vlada Švedske i Švicarske „Jačanje uloge mjesnih zajednica u Bosni i Hercegovini“ ima za cilj da potakne veći angažman građana u opštinskom/općinskom odlučivanju, pružanju kvalitetnih usluga, te u provedbi lokalnih razvojnih inicijativa, pri čemu se revitalizacija mjesnih zajednica smatra ključnim sredstvom za postizanje tih ciljeva. Projekat provodi UNDP u BiH u partnerstvu sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom pravde Federacije BiH, Vladom Brčko Distrikta i oba entitetska saveza opština/općina i gradova.

Zajednički projekat Vlada Švedske i Švajcarske "Mjesne zajednice" u radnoj posjeti Hercegovini

Napisao Vladana Popović

